

皆係善功奏上三天上帝上帝即為除監天領地上鬼神主書名玉曆長為真人

法輪經云長齋幽阜不倦晝冥切栢中餐潭水露澄息影巖穴獨宿孤征與鹿為群倚林

棲形窮默對躑飛鳥哀鳴風雲悽切萬古沈零凝水填礪素雪賢庭寒厲切肌志勵殊精

契闕林岫艱苦備舉勞不敢倦極不敢寧展轉求道遠感呈情

通學傳第二云張天師葉家學道負經而行入嵩高山石室隱齋九年周流五嶽精思積

感真降道成號曰天師諸經中長齋事大有此不具也

三洞珠囊卷之五

三洞珠囊卷之六

大唐陸海羽客王懸河修

齋會品

太玄經第八老子傳授經戒注註云夫欲傳授道德而對齋者法限三十八人少不可減

六人六人為通齋官備足一人為師五人為保保者實也荷也明也證也度也成也相重

知責任荷可教明其丹誠證其業善度其試難成其至真齋法九日七日五日三日勿減

一日若減一日者此是會而非齋散財飯賢謂之為會文書啓告請監會官也故玄都三

會律云四月八日會天徒皆設誦食也注云出天徒皆風毀小贖徒人之罪也

前三十八人者一曰三師其一一人為正師二曰法師是也二曰五保五人為護師即

六明六人即監齋是也四曰七證七人即侍經是也五曰八度八人即侍香是也六曰九成九人即侍燈是也

右六品三十八人不能備者多少隨緣皆為神足弟子儒彥英才之人作五保七證

卷六

之師同為署受法之辭以修齋然後授其戒錄也三元經中卷云正月十五日天官七月十五日地官十月十五日水官此三官上會玉京山校定生死罪福簿錄也此日皆須齋會也

捨失戒品

太真科下云凡受道經科律戒錄因緣應捨許得捨之不可委叛叛不告而去後難以還捨而去後後必易歸歸手至道元復去今應

去者輸誠告師師設警誡為立方宜方宜不立諫必不從為之燒香啓告三寶教之三禮

心口發言經戒科律與其身俱空三界六趣與大道俱空諸法空一切空三言之說三禮

而去後適意隨願而行猶不得誹謗正法弊露祕言犯之長墮地獄无復入善之期嚴加

宣明去後反悔重求受科先立功德効力輸財然後依法受之如初也

太真科下卷云凡是受戒錄忽然失去失去輸一半不須重受之也

正一法文下卷云失錄者更令罰薪五束朱

三兩飯賢三人失一將軍罰薪半束朱四兩  
 飯賢五人失十將軍罰薪一束朱五兩飯賢  
 十人失七十五將軍罰薪十束朱七兩飯賢  
 五十人失百五十將軍罰薪三十束朱九兩  
 飯賢百人凡輪罰畢得重受也又云非意失  
 去某年月日時於家或在某處遭公私逼迫  
 水火盜賊依實言之不知所佩之錄何在尋  
 檢不得依自謫輸薪廚以贖罪更令得受不  
 勝元元也

清戒品

太玄部卷第八老子傳授經戒儀注訣云凡  
 受戒及經畢後月晦月半不可不齋齋則清  
 戒溫戒竟夜誦之百遍千遍限外無數不堪  
 如此者不可減九遍他日齋靜行來出入得  
 誦便誦不必齋時誦師訪友思而行之不須  
 高聲心口相知在人衆中勿發於口審能在  
 心然感通上聖也  
 正一法文下卷云凡為道民便受護身符及  
 三戒進受五戒八戒然後受錄受錄之前未  
 受戒者受錄之後依次受之誦習通利恒存

惡行誦憶不謬忘則犯科未受錄時无所呼  
 召受錄之後動靜時神不行戒者呼之不至  
 破戒之人吏兵遠身還上天曹考官便逮致  
 諸厄疾公私災橫輒軒衰否所作不成成功  
 立德捨闇入明施善讓惡以吉除凶要在行  
 戒神即祐之戒有別文精詳修習或有不解  
 或有遺亡或有謬誤或冒禁故或尊上逼迫  
 或畏死犯之皆是愆招悉名破戒即應懺悔  
 首謝自新也

凡違戒者背負鞫言協道信邪雜事佛俗此  
 為不尊中心懷二惡迷攝豫或障纏深師三  
 誨之必能改革守一不理召神有效三誨不  
 悛是為叛道乖逆師尊法應奪錄入佛奉俗  
 及无所事師慈改之不追咎責怨懟事他棄  
 本逐末雖名奉道實犯正科諸官不得容受  
 積久知悔更立功乞還聽許依德并遷矣亦  
 別有清戒錄儀一卷以行世用之

立功禁忌

太玄都中宮女青律云凡修上清之法不得  
 北向及本命之上二處便廻觸忤玉晨穢慢

本真五犯不得入仙也十犯被考左官死入  
 地獄三塗之中萬劫還生不人之道也又云  
 凡上學之士受三天正法四明之科佩帶真  
 文出入三光及冥卧息不得露頭不着巾帽  
 及脫衣露形毀慢身神恥辱真文令真靈遠  
 遊空尸獨在三犯不得入仙也五犯死入地  
 獄萬劫還生不人之道也又云凡上學之士  
 受三天正法四極明科不得妄入淹穢哭泣  
 悲淚吊問死喪五犯伐切斷事不得入仙也  
 十犯死入地獄萬劫還生不人之道也

太上黃素四十四方經云凡道士存思上法  
 及修學太一事皆禁見死尸血穢之物當以  
 真朱一鉢散內水中因以洗目漱口并洗手  
 足微祝曰

三光上道太一護形司命公子五神黃寧血  
 尸散滅凶穢沈零七液纏注五藏華生令我  
 仙度長享利貞

凡道士受學生法不得稱死稱死事者則生  
 氣變動不居常宅故死氣運入魂神離棄是  
 以惡氣遊尸陳其間孔矣將病將死之新也

真一條檢經云夫立功德者不得觸禁犯忌當與身神相和不可更相尅賊更相尅賊生災起禍也夫消災散禍不得用本命行年本命行年賊害汝身

本命日可行周天大度鍊氣生身不可妄失行年日可行生布氣養神育精不可妄失絕命日不可用之致災絕滅歲星日不可用之致縣官刑獄六害日不可用之致疾病衰危月晦日不可用之致災身枯氣衰歲破日不可用之致災家門凶禍

戊辰戊戌日不可用戊為天門辰為地戶戊將是狗辰將是龍戊是中王神也其日太上丈人詣太上老君對校天下男女應生者注玉曆九老丈人詣九老君對校天下男女應死者注死籍道德丈人詣道德君對校天下男女為功德者記名左契天帝丈人詣天帝君對校天下男女為罪過者著名右契仙都丈人詣仙都君對校天下男女應得仙者上名仙錄  
天師還天曹校錄及簿錄分別善惡此日

閉天門塞地戶龍遊五獄徇行河梁中黃天神備守天門中黃丈人備守地戶外事一斷其日不得燒香行道關啓章奏汝曹安有觸耗此日者中黃大神收攝汝曹魂魄付候獄榜掠六十日關啓章奏不得通關六十日考竟遣魂魄還汝曹身中令汝曹軀軀衰耗亡失疾病口舌皆由於此若戊戌日卒有疾病縣官者當正心端坐思過悔請吾自懸知汝心自為汝曹寬釋考罰明日汝曹有文書陳乞即下赦恕之書汝曹也又云受太一法在身者遭父母喪經三月日暮喪滿月大切喪經月可得奉行道法章書啓乞也

受天真三一真一赤界法在身者遭父母喪經百日也暮喪三十日大切喪經月限未滿不得奉行道法章書啓乞也

受黃書契令在身者遭父母喪一年也暮喪百日大切喪四十日小切喪滿月總麻經月月限未滿不得奉行道法章書啓告也若違犯落平陰獄獄中恒有泥塗滑不可走被考使走行塗中不得一步便自倒地如此三百

年考竟更生為人短倅衆人所輕也  
真誥第九云正月庚申二月辛酉三月庚戌四月癸亥五月壬子六月癸丑七月甲寅八月乙卯九月甲辰十月丁巳十一月丙午十二月丁未

右上帝殺日不可請乞百事無宜  
金書仙誌云夫學仙之人勿北向便迴仰視三光勿北向理髮解脫衣裳勿北向唾罵犯破毀玉破謂歲下辰也王謂玉氣之所在也勿怒日月星辰勿以八節日行威刑勿以月朔日怒恚勿以三月三日食百草心勿以四月八日殺草伐樹勿以五月五日見血勿以六月六日起土勿以七月七日思存惡事勿以八月四日市履屐附足之物勿以九月九日起牀席勿以十月五日罰責人也勿以十一月十一日不沐浴勿以十二月三日不齋

燒香念仙也諸如此忌天人大禁三官告察以是為重罪矣或令人三魂七魄流離或胎神所憎三官受惡之時也是以惡夢交於丹心妖魅乘其未闕精夜觸犯神真煩惱流變

多禁莫識奇術子能奉修則為仙才不奉天禁則為傷敗

黃順請問上經云受老子經不奉混俗祠祀又云受法之身常出入行來經履新生及新死之家及行逢死尸與棺木者還所住處香湯沐浴方得燒香也又云受法之身不入產婦之尸及不得見尸者謂異處斷隔於來往則乃朝禮無廢不拘日數之限若家無隔異者四十五日方得朝禮也

正一法文下卷云協道信邪此為不專中心懷二惡迷猶豫是為叛道幸逆師尊法應奪算

太上黃素四四方經云凡修太一之事及行上法存神之道慎不可見尸及血穢之物見一死尸則一年不得行事又却傾一年之功然此帝一之科常却罰於既往又進塞於將來若一年三見尸者則罰功斷事各三年也若過見二十四尸者皆不得復修行太一以求仙也又云凡脩受上法及雌一太一之事者兆身中三魂五神之氣常薰於中服之

中七魄九靈之精常棲於履履之下是以道士學生不雜席而寢故衣褐之服不借非已之器履屐之物常惡土穢之糞亦不得使雜人犯觸以驚三魂也又云凡存修太一之事欲有所禮願慎不可叩頭叩頭者則傾九天

動千真神官迴覆泥丸倒懸天帝號於土府太一泣於中田數如此者則存念无益三真棄宮七神埋散玄宅納凶是為太一五神之至忌也故有真之人但心存叩頭運精感而行事不因類以祈靈也又云凡修行太一之

事真入之道不得有所禮拜禮拜亦帝君五神之所忌也若有所精思行禮願之時但心拜而已不形屈也上清大洞戒九十二條科云修雌一之法不得哀哭哀感則五神號於上府太一泣於中田神喪精亡靈真去身空尸獨立復何仙冀哉又云不得見尸一年不得行事却傾一年之功若一年見三尸者則三年不得行事亦却三年之功滿見二十四尸子失道前文太素亦與此大同小異矣又云不得言穢死事志怨願已之死也言滿

四十不得為真人以為棄生之罪三年身亡滅矣又云不得五色衣裳教華好服則真靈去身淫邪內發馳心猖狂三尸潛逸赤子飛廳長離玄室破形解骸身死名滅若衣勿雜色蘭布之服可以終日詠誦洞章真求不得乘雲駕龍道遠太極也

靈寶戒三十六條仙內科云玄功之人當布衣草履不得榮華之服犯者失道也又云不得言及俗邪穢之事三犯失道又云祖父母已父母同法可拜不同不得拜伯叔以下同

法亦不得拜犯者身亡也又云父母吉會不得預坐也又云父母兄弟妻子同契雖有骨血之功皆不得同牀而坐同盤而食其法不同皆為尸穢犯者失道又云夫妻不得同室而寢邪念在心長失道矣又云自非同盟不得同室而寢自非同契不得同牀而坐同盤而食同衣而服也  
靈寶制服科云祖父母暮年之喪不得臨尸於別房制哀五日不得受吊伯叔兄弟同知祖父母九月服又云制哀畢沐浴復中服不

得制世服犯者失道罪劇上科若已父母聽  
展哀百日後復中禍心喪三年无復哀喪此  
靈寶閣科也若隱身名山无復哀哭也一自  
都斷矣

玄都立身行道律第十五云身術仙官靈籙

不得妄拜哀不得妄哭也又云於父母國君

官長二千石刺史三公皆設教不得即設禮

拜也又入治律第二十云臨喪不踰月不入

治哭不過三日不入治穢汗不過晦朔不入

治三年不滿百日不入治皆謂哀感犯穢罪

不敢觸神明也

戊辰戌戌不入治禁忌之日不得入治請吏

兵丙寅丁卯丙申丁酉戊申戊戌皆不入治

行道修真犯禁忌皆奪箒職年也

破可以消災建可以立功刑害之日不用注

云不得用自刑殺害之日也若上章不得用

建破閉也

上章律第十三云寅刑己戌刑未子刑卯申

刑寅卯刑子己刑申丑刑戌未刑丑

第二十律又云不得齋持酒肉於治中飲食

濁亂太素罰素四十五注云小穢三日大穢  
七日聽得解之也緣何今按三洞科起靖觀  
宮堂第十一云民家曰靖師家曰治又引律  
曰按靖立在天德天德甲乙丙丁地也長一  
丈八尺廣一丈六尺凡佩仙符籙皆須安靖

治也

第二十律又云不得犯三師諱三師四世諱

違律罰算七人治時亦不得犯注云天師係

師也戶籍所屬師曾祖祖父師身四世名諱

也

受持八戒齋品

具銜臣陸脩靖上啓

元始天尊无極大道感應靈聖一切神明令

有善男子善女人等求欲受持八戒清齋一

日一夜用以檢御身心滅諸三業罪愆者故

洞神經第十二云夫齋以齊整為急以齊整

身心身心齊整保无亂敗敗起多端大略有

八也

一者不殺生以自活二者不得姪慾以為悅

三者不得盜他以自供四者不得妄語以為

能五者不得醉酒以恣意六者不得雜卧高  
廣大牀七者不得競習香油以華飾八者不  
得耽著歌舞以作倡

今日善男子善女人等若能不犯此之八事

則八敗無從以起則八戒自然而立立久不

失則延年保命神通洞達是故齋者受持八

戒思真行道通而无窮顯驗必速皆如所期

也今請受既畢再拜再起奉戒而退也

三洞珠囊卷之六